

Catschadurs medelins fan fiasta

La Secziun da catschadurs Vallatscha Medel/Lucmagn festivescha il giubileum da 75 onns

DA HANS HUONDER / ANR

Bunamein sil di dalla fundaziun festivescha la Secziun da catschadurs Vallatscha Medel/Lucmagn uonn il giubileum da 75 onns. Quel vegn commoraus la proxima fin d'jamna cun in program per in e scadin. Ils 10 da mars 1914 ei la Secziun da catschadurs Greina vegnida fundada. Ella ei stada ina dallas empremas dudisch secziuns dall'Uniu cantunala dils catschadurs da patenta dil Grischun. Siu territori sestendeva da Breil inclusiv ils dus uclauns Vali e Cathomet da Sursaissa ensivars entochen Medel e Tugetsch. Dall'entschatta enneu ha la secziun giu da sbatter cul desinteress dils biars catschadurs. In motiv persuenter pon era iis liungs viadis allas radunonzas esser stai da giez temps, essend ch'ils mieds da traffic e transport eran buca da tala moda e maniera sco ozildi. Sin fundament da quella constellaziun ei ina separaziun stada sulet-tamein ina damonda dil temps. Ils 26 da decembre 1929 ei l'Uniu da catschadurs Muraun Mustér vegnida fundada. 1938 dumbrava la secziun 30 commembers, denter quels eran entgins da Tugetsch ed ils onns suandonts sedecidan era entgins Medelins da far part dalla secziun dil Muraun. Ina damonda della secziun Greina igl onn 1938 da s'unir ad ina secziun da vallada si sum la Surselva vegn refusada. Perencient sedat ina separaziun aunc pli gronda. Aschia sedecidan ils Tuatschins, respectivamente ina Medelins, per atgnas secziuns. La Secziun da catschadurs Vallatscha Medel/Lucmagn vegn allura fundada ils 10 da schaner 1942. L'emprema suprastanza se cumpona dil president Teofil Lutz, igl ac-tuar Clemens Pally ed il cassier Clau Beeli. Muort la Scunda Uiarda mundiala ha la catschadur saviu vegnir exequida quei onn sulet-tamein treis dis il settembre. Ils 2 d'avrel 1945 ei la Secziun Vallatscha allura vegnida recepida ell'Uniu cantunala dils catschadurs da patenta dil Grischun.

Vasta aktivitat

Praticamein naven dall'entschatta ei la secziun s'engashada cun grond anim en favur dalla fauna e flora, mo ha lu era adina pu-spei divertiu la publicitat. Ina pintga cro-nica tradescha buca mo ils fatgs dalla fun-daziun, mobein era detags dalla catschadur.



Foto da gruppa dalla davosa catscha communabla dalla Secziun da catschadurs Vallatscha Medel/Lucmagn.

rial), Hanspeler Bundi (cautgira) e Werner Giger (substitut dil cautgira).

Se representar ella publicitat

La fin d'jamna dils 13 e 14 da schaner 2018 festivescha la Secziun da catschadurs Vallatscha il giubileum da 75 onns. Quei fa ella cun in program per la publicitat. «Nus lein nezegiar quei giubileum per mussar alla glieud tgei che nus fagein e con biala che la catscha ei. Igli ei impurtant d'argumentar la catscha enviers la publicitat, oz pir che zacu», di il presid-ent Ursin Venzin. Il program en casa da scola a Curaglia cumpeglia ina gronda exposiziun da catscha, trofeas ed animals preparai. La sonda sera allas 18.00 refe-rescha cusseglier guvernativ Mario Cavigelli davart «Il luf – sfidas dil cantun Grischun». Allas 20.00 ei previu entgins plaids e silsunter divertiment. Dumen-gia allas 10.00 ei messa da catschadurs cun accumpagnament musical dils Sun-acorns Badus. La sonda sera sco la dum-en-gia vegn purschiu tscheina, respectiva-mein gentar. L'exposiziun ei avierta la sonda dallas 13.00 entochen allas 17.00 e la dumengia dallas 11.00 entochen al-las 17.00.

Igl onn 1940 ha il fravi Martin Beeli sittau l'emprema vacca tscharva sils mises da Soliva, apparentamein cun la flenta. El medem territori ha la secziun allura mess ora tschun muntanialas igl onn 1946. Ils onns 1960 suondu lu evenimenti tut specials pil territori dalla Val Medel. 1965 conclu-dan ilcatschadurs da repatriar il capricorn al Péz Caschleggia ed in onn pli tard fa la tschoccadad da camutschs gronds fastedas el territori dalla Val Sumvitg e la Val Plat-tas. Igl onn 1970 s'engaschan las secziuns Greina e Vallatscha cun success pil niev asil federal en Val Lavaz. In onn pli tard vegn el introducitus. 1987 erégia la secziun sia tegia a Mireia, da leu anora vegn era sittau sin la distanza da 100 meters dapi lu. L'entschatta dils onns 2000 muossa la secziun ina ga dapli siu engashament per la fauna. Ella s'engascha numnadamein en favur dall'introducitus da zonas da ruaus. 2006 vegnan quellas da Palius-Cavorgia, Uaul Soliva e Val Lavaz installadas. Dapi lu seg-ida la secziun mintg'onn enten marcar las zonas. Engashament muossan las catschadurs ed ils catschadurs dalla Val Medel era en favur dil Parc Adula. La secziun separticipesa ad ina gruppa da lavur. En-

conuscentamein ei il project lu denton vegnius refusaus igl artun 2016. Cun in seminari da sittar ha la secziun purschiu 2013 ina caschun da perfecziun als com-members.

Lavr e caschuns da sentupada

Sper entgins projects specials organi-secha la secziun dapi onns regularmein dus entochen treis dis da tgira, sias duas radunonzas sco era igl exercezi da tir, il tir inter-n, la catscha communabla e sco punct culminont da sentupada la sera familiara cun rangaziun da trofeas. Repetidamein ha la secziun era procurau per divertiment per la publicitat. 1959 ei quei stau cugl emprem tscheiver da catschadurs e 1996 han ils catschadurs dau il toc humoristic «Il catschadur da camutschs». 2009 ha la secziun era organisau communabla-mein culs catschadurs da Mustér e Tu-getsch la radunanza da delegai dall'uniun cantunala a Mustér. La Secziun da catschadurs Vallatscha dumbra il mument 52 commembres e commembers, 35 da quels ein commembres A. La media da vegliadetgna dils commembres munta a 47 onns. La suprastanza consista il mu-

ment d'Ursin Venzin (president), Vital Lutz (actuar), Curdin Venzin (cassier), Carla Giger-Columberg (schef da mate-

Stan da sittar da 150 meters

Sper il giubileum ei la Secziun da catschadurs Vallatscha il mument era vid in project per in stan da sittar sut Cu-raglia. Sco quei che Venzin di stat quei project denter auter en connex cun las pretensiuns partenent il plum els stans da schibas che sto vegnir allontanaus. En quei connex stat era l'esistenza dal-la Societat da tir Scopi Medel en dis-cussiun. La finamira dils catschadurs ei da saver surprender il stan da tir dalla societat ad Urlatsch e da construir in stan da schibas niev. Sin fundament dalla constellaziun topografica dil liug seporscha la caschun da bagheggiar in stan cun la distanza da 150 meters. La finamira ein duas schibas electronicas. Ils cuosts ein calculai cun rodund 60 000 francs. Tenor Venzin less la sec-

zun construir il stan la primavera pro-xima. La damonda da bagheggiar ei ve-gnida inoltrada quels dis alla vi-schnauna. Tenor il president stat igl avegnir dalla secziun era empauer en connex cun quei stan da sittar: «Sche-nus savein buca realisar quel ha ei num serender ordeifer la Val per exercitar. Lu havess la secziun ina impurtonta sfida e finamira pli pauc. Tenor miu manegiar fuss la secziun periclitada lu.» Sper quei stan da sittar spera el ch'e reusseschi era egl avegnir d'animer giuvnas e giuvens per la catscha. «Tenor il stan actual ein aunc 15 catschadurs sut la vegliadetgna 65 onns en 15 onns. Quei dat da pater-tgar», di il president che lavura cun grond engashament e bien maun en favur dils interess dalla secziun.

GLOSSA

DAD AUGUSTIN BEELI / ANR

Tgi che ha mirau vendergis var-gau l'emissiun Arena ha giu la caschun da s'informar da quei ch'il pievel svizzer ha da votar ils 4 da mars. Quella sera han ils adherents da No-Billag mussau lur vera inten-zion. Democraticamein dueien nus decider schebein ei dat el futur mo pli medias à la Berlusconi, moguls e milliardaris che san cumpnar e ma-nipular tuttas informaziuns media-las. Quel culla buorsa grossa duei decider tgei emissiuns ch'ein renta-blus e tgeininas buc. Nies cusseglier naziunal Martin Candinas ha bat-tiu sco in liun e defendiu la taxa col-lectiva che sustegn la democrazia.

Duront l'emissiun ha ina obser-vaziun neutrala cumprovau che omisduas varts, quella dils ad-herents sco quella dils adversaris, ein vegnidas equilibradamein a plaid. Andreas Kleebl, commember dil co-mite d'iniziativa No-Billag, e tschels adherents vulan promover la «demo-

No-Billag – No-Pilac

bike, pistas ed habitaziuns da vacan-zas. Per nuot auter dueien ins duvrar Pilac. La glieud che viva cheu ei – aschia ils iniziants da No-Pilac – ina minoritad che ha buc il dretg sin tons daners publics.

Tut patertgar democratic cala si-zanua! Facit da tut quei: Adatg! L'iniziativa han ins scret fal-liu, igl ei ina intriga. No-Billag vul gir No-Pilac. In lev mussament ei il num da Panaduz. Per tudestg scri-

van ins Bonaduz. Finalmein eis ei reüssiu da scuvierer l'infamadad. Uss eis ei da far prescha: Tochen ils 4 da mars duei mintga Svizzer saver che No-Billag ei nuot auter che No-Pilac.



La Val Pilac, in simbol per la Romontschia.

FOTO: A. BEELI